



## **OPĆINSKI NAČELNIK**

**Broj: 01-1-20-1-1356/23**

**Vitez, 19.04.2024.godine.**

Na osnovu Budžeta općine Vitez za 2024. godinu, i Programa utroška sredstava u Budžetu općine Vitez transfer "Podsticaji poljoprivredi" u 2024. godini usvojenog na sjednici Općinskog vijeća Vitez održanoj dana 03.04.2024.godine Općinski načelnik, objavljuje:

### **JAVNI POZIV**

### **ZA PRIKUPLJANJE PRIJAVA ZA OSTVARIVANJE PRAVA NA POTICAJ U POLJOPRIVREDNOJ PROIZVODNJI NA PODRUČJU OPĆINE VITEZ ZA 2024. GODINU**

#### **I. PREDMET JAVNOG POZIVA**

Predmet Javnog poziva je ostvarivanje prava na novčane poticaje prema Programu utroška sredstava u Budžetu općine Vitez transfer "Poticaji poljoprivredi" u 2024. godini usvojenom na sjednici Općinskog vijeća Vitez održanoj dana 03.04.2024.godine i to za:

Lot 1. Podsticaj za uzgoj rasplodnih krmača ili nazimica	20.000,00 KM
Lot 2. Podsticaj za muzne krave, proizvodnja svježeg mlijeka	32.000,00 KM
Lot 3. Podsticaj za junad u tovu	22.000,00 KM
Lot 4. Podsticaj za pčelarstvo	9.000,00 KM
Lot 5. Podsticaj za biljnu proizvodnju	6.000,00 KM

#### **II. PRAVO UČEŠĆA NA JAVNOM POZIVU**

Odobrena finansijska sredstva iz Budžeta raspoređivat će se poljoprivrednicima koji ispune slijedeće uslove:

##### **1. Kriteriji za ostvarivanje poticaja**

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju na teritoriji općine Vitez, ako to ovim Javnim pozivom nije drugačije propisano,
- korisnici koji imaju stalno mjesto prebivališta na području općine Vitez,
- korisnici koji su upisani u registar poljoprivrednih gazdinstava i registar klijenata kao nosioci (pravna i fizička lica).

#### **III. NAMJENA I POTREBNA DOKUMENTACIJA**

Poticajna sredstva su namjenjena za poljoprivredne proizvođače koji se bave jednom od gore navedenih poljoprivrednih proizvodnji i imaju zasnovanu proizvodnju na području općine Vitez.

## **A. ANIMALNA PROIZVODNJA**

### **Stimulacija za uzgoj rasplodnih krmača ili nazimica**

- Novčanu podršku za uzgoj rasplodnih krmača ili nazimica mogu ostvariti poljoprivredni proizvođači koji imaju najmanje 2, a najviše 10 rasplodne krmače ili nazimice koje su pod stalnim veterinarskim nadzorom. Iznos novčane podrške je 170,00 KM po grlu. Konačan iznos podrške po krmači/nazimici bit će utvrđen nakon konstatacije ukupno prijavljenih poljoprivrednih proizvođača koji su predmet podrške. Maksimalan iznos podrške po podnesenom zahtjevu je 1.000,00 KM.

Uz zahtjev za podsticaje podnosilac zahtjeva će dostaviti slijedeću dokumentaciju:

- a) da je upisan u RPG ili RK (dokaz : upisan broj iz RPG/RK u Obrazac Zahtjeva)
- b) potvrdu o provedenim obaveznim mjerama (dostavlja se neovjerena kopija);
- c) potvrdu ili izvod iz jedinstvenog registra domaćih životinja kojeg izdaje Federalni agromediteranski zavod u skladu sa Pravilnikom o obilježavanju životinja (dostavlja se neovjerena kopija),
- d) potvrda banke o otvorenom računu, ne starija od 60 dana, o aktivnom žiro računu korisnika.

Predviđena sredstva 20.000,00 KM.

### **Poticaj proizvođačima svježeg mlijeka**

Pravo na podsticaj imaju proizvođači koji se bave proizvodnjom mlijeka imaju minimalno 2 grla te su u sistemu otkupa mlijeka. Visina poticaja iznosi 150,00 KM po muznom grlu. Maksimalan iznos poticaja je 1.500,00 KM po prijavi. Konačan iznos podrške po muznom grlu bit će utvrđen nakon konstatacije ukupno prijavljenih poljoprivrednih proizvođača.

Uz zahtjev za podsticaje podnosilac zahtjeva će dostaviti slijedeću dokumentaciju:

- a) da je upisan u bazi RPG I RK – (dokaz : upisan broj iz RPG/RK u Obrazac Zahtjeva)
- b) pasoš goveda na ime klijenta (dostavlja se neovjerena kopija, a original mora imati na farmi);
- c) ugovor sa registrovanim otkupljivačem, odnosno prerađivačem kojem isporučuje mlijeko (dostavlja se neovjerena kopija);
- d) potvrdu o provedenim obaveznim mjerama (dostavlja se neovjerena kopija);
- e) potvrda banke o otvorenom računu, ne starija od 60 dana, o aktivnom žiro računu korisnika.

Predviđena sredstva 32.000,00 KM.

### **Poticaj za proizvodnju goveđeg mesa – Junad u tovu**

Novčanu podršku za junad u tovu mogu ostvariti poljoprivredni proizvođači koji posjeduju najmanje 3 muška grla obilježena ušnom markicom, da grla na dan



podnošenja zahtjeva nisu starija od 10 mjeseci, da grla provedu u tovu minimalno pet mjeseci, Visina podsticaja je 200,00 KM / po grlu. Maksimalan iznos podrške po prijavi je 1.600,00 KM. Konačan iznos podrške po grlu bit će utvrđen nakon konstatacije ukupno prijavljenih poljoprivrednih proizvođača koja su predmet podrške.

Uz zahtjev za podsticaje podnosilac zahtjeva će dostaviti sljedeću dokumentaciju:

- a) da je upisan u RPG ili RK (dokaz : upisan broj iz RPG/RK u Obrazac Zahtjeva)
- b) ovjerenu izjavu sa tačnim brojem grla u tovu i brojem ušne markice za svako grlo,
- c) kopiju pasoša za svako grlo,
- d) potvrdu o provedenim obaveznim mjerama (dostavlja se neovjerena kopija);
- e) potvrda banke o otvorenom računu, ne starija od 60 dana, o aktivnom žiro račun korisnika.

Predviđena sredstva 22.000,00 KM.

### **Podrška za pčelarstvo**

Kriteriji koje mora ispuniti podnosilac zahtjeva za dobijanje novčane naknade na ime podsticaja za pčelarstvo su:

- a) da podnosilac zahtjeva posjeduje minimum 20 košnica,
- b) da je izvršen klinički pregled pčelinjih društava,
- c) da je upisan u Registar pčelara,
- d) da je član Udruženja pčelara

Visina podsticaja je 10 KM po jednoj košnici.

Visina podsticaja može biti i manja, zavisno od broja odobrenih zahtjeva, a maksimalno 700 KM po jednoj prijavi.

Predviđena sredstva 9.000,00 KM.

### ***AKTIVNOSTI I PROCEDURE:***

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob, ili zapisnik od Službe općinske ako se pčelinjak nalazi na teritoriji druge općine. Uz zahtjev za podsticaje podnosilac zahtjeva će dostaviti sljedeću dokumentaciju:

1. Kopiju katastarskog plana parcele na kojoj se nalaze košnice, ne stariju od dvije godine,
2. Originalnu potvrdu izdatu od strane Udruženja pčelara kojom se potvrđuje da je podnosilac zahtjeva pčelar i sa brojem košnica u vlasništvu,
3. Veterinarsku potvrdu od nadležne veterinarske stanice o broju košnica i zdravstvenoj ispravnosti pčela/kopija za tekuću godinu.
4. Listu korištenja iz RPG,
5. Pčelari čije se pčele nalaze na teritoriji druge općine/opštine , prilažu ovjerenu kopiju rješenja o odobrenju za smještaj pčelinjaka, a ukoliko se nalazi na vlastitom zemljištu, (Posjedovni list ili ovjerena kopija).

6. potvrda banke o otvorenom računu, ne starija od 60 dana, o aktivnom žiro račun korisnika.

## **B. BILJNA PROIZVODNJA**

### **Podrška za jesenju sjetvu žitarica, hljebne žitarice (pšenica i raž).**

Pravo na podsticaj imaju poljoprivredni proizvođači koji su zasijali ozime/proljetne žitarice na površini od 3-40 dunuma

Visina podsticaja je : 150,00 KM/dunumu. Maksimalan iznos poticaja je 1.500,00 KM. Predviđena sredstva 6.000,00 KM.

Uz zahtjev za podsticaje podnosilac zahtjeva će dostaviti slijedeću dokumentaciju:

- a) da je kandidat registrovan u bazi RPG I RK – potvrda (za sve proizvodnje).
- b) kopiju/kopije katastarsog plana parcele na kojoj je zasijana žitarica,(ne stariju od jedne godine)
- c) posjedovni list/ugovor o zakupu (dostavlja se neovjerena kopija);
- d) dokaz o kupljenom sjemenu (dostavlja se neovjerena kopija);
- e) potvrda banke o otvorenom računu, ne starija od 60 dana, o aktivnom žiro računu korisnika.

## **IV PROVOĐENJE POSTUPKA PO JAVNOM POZIVU**

Postupak po Javnom pozivu provest će Komisija koju će imenovati Općinski načelnik. Komisija će izvršiti provjeru priložene dokumentacije i sačiniti zapisnik o prispjelim prijavama, obići na terenu sve prijavljene kandidata koji ispunjavaju propisane uslove, sačiniti zapisnik na osnovu kojeg će se odobriti ili odbiti aplikant za novčana sredstva. Netačne i neblagovremene prijave se neće uzimati u razmatranje.

## **V NAČIN I ROK PODNOŠENJA PRIJAVA**

**Rok za podnošenje prijave počinje teći od dana objave Javnog poziva na WEB stranici općine Vitez i traje do 17.05.2024. godine.**

Zapečaćene prijave s odgovarajućim priložima šalju se preporučenom poštom ili lično dostavljaju se na adresu:

Općina Vitez, Stjepana Radića br.1, 72 250 Vitez

Sa naznakom ne otvarati : „ NE OTVARATI - po Javnom pozivu“-„ za ostvarivanje prava na poticaj u poljoprivrednoj proizvodnji na području općine Vitez za 2024. godinu. Nepotpuna, neuredna, netačna i neblagovremena dokumentacija neće se uzimati u razmatranje. Čitko popunjenu i potpisanu prijavu (obrazac) na Javni poziv možete preuzeti na protokolu općine i na web stranici. Prijava može ići samo za jedan od lotova.

## **VI OSTALO**

U postupku javnog poziva općina Vitez ne snosi nikakve troškove učesnicima poziva, te zadržava pravo da prijavu prihvati u cjelosti, djelimično ili je u potpunosti odbije, poništi javni poziv ili odbaci sve prijave prije donošenja konačne odluke u odabiru korisnika.

Isplata poticajnih sredstava će se obaviti na transakcijski račun korisnika istih, a otvoren kod poslovnih banaka.

**Ukoliko se planirani iznos sredstava za određenu vrstu poticaja iz objektivnih razloga u cjelosti ili djelimično ne bude utrošen, Služba za poduzetništvo i lokalni razvoj Općine Vitez i Komisija za provedbu javnog poziva za ostvarivanje poticaja mogu uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz ovog Programa.**

**OPĆINSKI NAČELNIK**  
  
**Boris Marjanović**

